




DS
735
A2N8
19-
V2



尺木堂綱鑑易知錄卷之二

周之烜靜專

通鑑前編定本

山陰吳乘權楚材同輯

周之燦星若

夏紀

少康

少康元歲

綱癸卯夏少康元歲相后緡生少康于有仍寒浞篡位夏統

中絕者凡三十九年而胡氏大紀即以少康生之年為元歲蓋少康既生則夏統不絕也

少康奔虞

綱甲子二十有二歲夏少康自有仍奔虞紀少康為

仍牧正牧官之長澆使椒澆臣求之逃奔有虞舜後封國為之庖

正掌膳羞之官虞思虞君名思妻去聲之二姚以二女妻之姚虞姓而邑諸

成旅今山西平陽府榮河縣有田一成十里有衆一旅五百人能布其

德而兆其謀以收夏衆夏遺民撫其官職夏遺臣

少康三十有九歲寒浞僭據天位凡三十九年今仍書夏少康者

亦蓋與元歲係少康之義同以見夏統不絕云爾

綱壬午四十歲夏遺臣靡興師討浞伏誅奉王踐天

子位王命誅澆及豷復禹舊績夏道復去聲興諸侯畢

朝紀夏之舊臣靡自有鬲氏收二國斟鄩斟鄩之燼火餘

夏道復興

靡討寒浞

中興自少
康始
越則無餘於

本曰燭謂二
國之遺衆也
以滅浞而立少康使女艾少康臣滅澆于

過歌澆使季杼序。少滅豷于戈豷封有窮由是

遂亡少康乃歸故都於是夏道復興諸侯來朝

雙湖胡氏曰少康崎嶇亂離之間復禹勛還舊都祀夏配天不失舊物而有夏中興焉後之言中興者當自少康始少康其中興之賢君靡其中興之賢臣乎

綱癸巳五十有二歲封庶子無餘於越以奉先王墓

祀於越之綱少康恐禹墓之絕祀乃封其庶子於越

號曰無餘春秋祀禹墓於會稽

綱癸卯六十有一歲王崩子季杼踐位

帝杼

杼可謂能帥禹者戡定寒氏之亂佐其父少康成中興之功故夏后氏報焉

綱

甲辰夏后杼元歲

綱

庚申十有七歲王崩子槐踐位

帝槐

綱

辛酉夏后槐元歲

綱

丙戌二十有六歲王崩子芒踐位

帝芒

綱

丁亥夏后芒元歲

綱

甲辰十有八歲王崩子泄踐位

帝泄

綱乙巳夏后泄元歲。命東夷。命西羌。時六夷來王於是始加爵命

綱庚申十有六歲。王崩。子不降踐位。

帝不降

綱辛酉夏后不降元歲。

綱己未五十有九歲。王崩。弟局駒立。

帝局

綱庚申夏后局元歲。

綱庚寅二十有一歲。王崩。子庶驪踐位。

帝廕

綱辛巳夏后廕元歲。

綱辛丑二十有一歲王崩不降之子孔甲立

帝孔甲

綱壬寅夏后孔甲元歲。

綱甲辰三歲采鐵鑄劍。

綱戊辰二十有七歲商主癸生子履紀主癸之妃扶

都見白氣貫月而生湯堯時封契子商賜姓氏主癸其十二世孫也

綱壬申三十有一歲王崩子皐踐位。

帝皐

綱癸酉夏后皐元歲。

綱癸未十有一歲王崩子發踐位。

帝發

綱甲申夏后發元歲諸夷賓于王門。

綱壬寅十有九歲王崩子癸踐位。

是為桀

桀癸

綱癸卯夏后癸元歲。

綱甲子二十有二歲公劉遷國于豳紀后稷封邰

今陝

公劉遷豳

西西安府武功縣。別姓姬氏。至公劉遷于豳。今西安府邠州。公劉雖

在戎狄之間。復脩后稷之業。務耕種。行上聲。巡視也。地宜

自漆沮。漆沮二水名。在豳地。渭水出陝西臨洮府渭源縣。至西安府同州入河。

取材用。行者有資。居者有畜積。忍。民賴其慶。百姓懷

之多。從而保歸焉。周道之興。自此始。

有施氏獻妹喜

綱乙亥三十有三歲。伐蒙山。有施氏獻妹。木。喜。王嬖

之。紀桀能申鉤索鐵。負恃其力。不務德而武傷百姓。

尚武勇而傷害百姓。有趙梁者。教為無道。勸以貪很。伐蒙山。國名。

有施氏。有施氏進女妹喜。桀嬖之所言皆聽。為去聲。之

為瓊室象廊。瑤臺玉牀。行淫縱樂。為肉山脯林。酒池

可以運舟。一鼓而牛飲者三千人。以為戲劇。極

綱丁丑三十有五歲。商主癸薨。子履嗣位。是為成湯**綱**商

湯始居亳。**紀**自契封商。至于成湯。凡八遷。湯始居亳。

今河南歸德府。即商丘也。從先王所居。

綱戊寅三十有六歲。商湯元祀商湯始用師征葛。

綱己卯三十有七歲。商湯遣使以幣聘伊尹。于有莘。

湯進伊尹于桀

今河南開封府陳留縣傳記謂伊尹生於空桑。空桑蓋地名。在陳留縣南。**綱**商湯進伊尹。

于夏王桀。**紀**伊尹適夏。告以堯舜之道。桀不聽。

因湯夏臺

綱壬申四十歲伊尹復歸于亳

伊尹凡五適夏告以堯舜之道桀終不聽

綱甲戌四十有二歲

商湯七祀

夏王桀囚商湯于夏臺既

而釋之

也

綱是時田獵者張網四面合圍以殄天物於

是成湯出田

命去聲

綱三面曰欲左者左欲右者右

湯仁及禽獸

惟不用命者乃入吾網漢南諸侯聞之曰湯仁及禽

獸而況於人乎皆歸心焉桀疾其大得諸侯和也名

之囚於重泉夏臺

夏獄名

已而釋之

終古奔商

綱癸巳五十有一歲太史令終古出奔商

綱夏桀鑿

池為夜宮男女雜處三旬不朝太史令終古執其圖

費昌歸湯

殺關龍逢

法泣諫不聽終古出奔商○大費之裔曰費昌見二
日東出焰西沉問於馮夷夷曰西夏東商費昌乃歸

湯史記秦本紀伯翳舜時賜姓嬴氏生子二人次曰若木實費氏其裔孫曰費昌去夏歸商故嬴姓多

顯遂為諸侯秦祖始此。伯翳即伯益秦聲以入為去故謂益為翳也

綱甲午五十有二歲商湯十有七祀殺諫臣關龍逢旁**紀關**

龍逢進諫曰人君謙恭敬信節用愛人故天下安而

社稷宗廟固今王侈靡嗜殺民惟恐君之後亡矣人

心已去天命不祐詮盡少悛改也乎不聽龍逢立而不

去桀怒遂殺之**綱**夏亡是時兩日鬪衆星殞泰山

伊洛竭

觀天則知聖人

聖人遇變能通

經金易知錄

卷之二

六

崩地震伊洛竭

伊洛二水名俱在河南河南府

雙湖胡氏曰唐虞之時太和之景象也禹啓之
 世亨通之嘉會也夏商之末造其天時肅殺之
 秋乎湯武適當其時革命之舉不容不順乎天
 而應乎人矣是故天之道生於春長於夏肅殺
 於秋謂肅殺非天之道不可也聖人之道揖遜
 於唐虞家傳於夏禹於商周譯放伐非聖
 人之道亦不可也聖人初何嘗容心於其間哉
 與時偕行而已觀四時則知天矣觀天則知聖
 人矣音武革命順乎天而應乎人
 矣註武革命順乎天而應乎人
 庸齋許氏曰五帝之禪三代之繼皆數然也其
 間如堯舜有子之不肖變也堯舜能通之以揖
 遜而不能使已子之不肖朱均湯武遇君之無道
 變也湯武能通之以征伐而不能使夏商之無
 桀紂聖人遇變而通之亦惟達於
 自然之數一毫之已私無與焉

夏十七主計四百三十九年

商紀

成湯

成湯十有八祀

綱乙未商王成湯十有八祀正位而不改元

五峰胡氏曰人君即位之一年謂之元年一定而不可易也成湯之元立於桀之三十六歲矣其所以克享天心受天明命以有九有之師愛革夏正本是而為之者也又可改乎

綱王誓師伐夏桀放之于南巢紀桀暴戾不悛王乃

誓師伐桀伊尹相湯費昌為御與桀戰于鳴條地名

西平陽府安邑縣桀師敗績大崩日湯遂放桀于南巢今江南廬

州府巢縣桀奔於桀曰吾悔不遂殺湯于夏臺

與師即受命之日

稱王誓衆理固然

此湯因以放之也。桀曰：吾悔不遂殺湯于夏臺。仁山金氏曰：湯武之稱王，說者多矣。有謂文王受命稱王，至武王稱王，凡十有一年者；疑湯亦然。有謂民無二王，桀紂未絕，則未可王者。湯誓泰誓之稱王，蓋追書也。至於蘇氏則曰：商周之王，不王不係於桀紂之存亡也。愚謂受命稱王，之其說失之。僭而桀紂未絕，未王之說，則又失之。拘至蘇氏之說，不拘矣。然通而無制也。夫湯武興師之時，是即受命之日。張子所謂此事間不容髮一中之間，天命未絕，則爲君臣。天命既絕，則爲獨夫。其在此時乎？夫天命已屬師徒，既興則桀紂即獨夫矣。豈待南巢之後，牧野之餘，而天命始絕哉？且湯武既已興師矣，而猶自稱曰諸侯，以令於衆，則是以諸侯而伐天子，名實俱不可也。然則稱王誓衆，理固然也。而必謂史臣追書不幾於嫌聖人而文之哉？

仲虺作誥

綱仲虺毀作誥以告王奚仲為夏車正封於薛至仲虺為湯左相誥告也湯之伐桀雖順天應人然承堯舜禹授受之後於心作有所不安故仲虺佳誥以告王非特釋湯之慙而且以曉其臣民衆庶也語綱王歸自夏誕告萬方誕大也湯伐夏歸亳

誥告萬方

詳商書仲虺之誥諸侯率職來朝湯作誥以與天下更始語詳商書湯誥

綱三月商王踐天子位于亳定都建國號曰商改正

朔易服色改歲曰祀紀三月湯歸於亳踐天子位定

都焉以建丑冬十二月為歲首色尚白牲用白牡以

立禹及聖
略後

白為徽號旌旗之屬綱王至東郊論諸侯功罪立禹後與

古聖賢有功者之後封孤竹等國各有差崐孤竹國在直隸

末平府城西綱是歲大旱。
姓里胎氏

綱丙申十有九祀大旱。

綱丁酉二十祀大旱。夏桀卒於亭山。

綱戊戌二十有一祀大旱。發莊山之金鑄幣錢也賑民。

綱己亥二十有二祀大旱。

綱庚子二十有三祀大旱。

綱辛丑二十有四祀大旱。禱于桑林以六事自責。雨。

紀時大旱七年。湯以身禱於桑林之野。祝曰。無以予。

一人之不敏。傷民之命。以六事自責。曰。政不節歟。民。

鑄幣賑民

桑林禱雨

六事自責

失職歟。宮室崇歟。女謁婦人請託盛歟。苞苴行歟。裹曰苞。藉曰苴。

以物相遺者。必苞苴之。讒夫昌歟。昌盛也。言未已。大雨方數千里。

綱作大護。樂紀。時天雨。歲則大熟。天下謹洽。遂作

桑林之樂。名曰大護。言救護民也。作諸器。用之。銘以為警

戒。如盤銘之類。**綱**祀棄為稷。舊以炎帝子柱為稷。凶旱。故遷社以周棄代為稷祠。

綱丁未三十祀。王崩。壽一歲。嫡孫太甲踐位。成湯娶有莘氏生子。

太丁蚤卒。太丁之子曰太甲。為世嫡孫。湯崩。伊尹奉太甲即位。

太甲

綱戊申。商王太宗太甲元祀。冬十有二月。伊尹祠告

伊尹作書訓王

于先王奉嗣王祇見現厥祖百官總已以聽冢宰伊

尹乃明言烈祖之德以訓于王語詳商書伊訓綱王徂桐宮

居憂紀王不明厥德顛覆福湯之典刑伊尹營宮于

桐桐湯墓所在山西平陽府曲沃縣俾王居憂于桐宮使之密邇先王與起其善

也乃自攝政當國以朝諸侯

綱已酉二祀王在桐宮

綱庚戌三祀冬十有二月朔伊尹奉王歸于亳綱太

甲居桐三年自怨自艾處仁遷義伊尹乃以冕服

奉迎也太甲歸于亳喪既除以袞冕吉服奉迎也太甲增脩厥德

諸侯咸歸。保惠庶民。不敢侮鰥寡。**綱**伊尹既復政。將

告歸。乃陳戒于王。復政還政太甲也。告歸告老而歸私邑也。語詳商書咸有一德。

綱庚辰三十有三祀。王崩。廟號太宗。子沃丁踐位。

沃丁

綱辛巳。商王沃丁元祀。

綱戊子。八祀。阿衡。伊尹官號。阿倚衡平也。伊尹薨。葬

于亳。咎。高單訓伊尹事。伊尹卒年百有餘歲。大霧三

日。沃丁葬之以天子之禮。祀以太牢。親臨喪。以服大德。

子王子曰。湯播告于衆。以元聖稱伊尹。愚考其大用。誠聖人也。有大德。量有大識。見故能數用。

咎單訓伊尹事

四百餘年
再有此精
微之論

伊尹善用
權
孟子善論
權

權而無沮禦扞格之患。五就桀而桀不思。五就湯而湯不疑。知桀之終不悛也。創大義立大謀。相成湯而放伐之。天下不驚。如探囊取物之易也。湯學於伊尹。尹之相湯。格言至論。宜不少矣。而不傳於後。至湯崩。相太甲始有五篇之書。典謨之後。四百餘年。再有此精微之論。觀伊訓與上篇之訓。王未克變。營桐之役。此君臣之再變也。惟其實德光輝。力量重厚。朝廷服之。而不敢議。天下信之。而不敢疑。嗣王亦竟以是率德。為商令主。伊尹之用權。不可學也。非聖人而能之乎。古今善用權者。莫如伊尹。善論權者。莫如孟子。孟子曰。有伊尹之志。則可。孟子亦不敢以此自任也。況音格音扞音悛音。格難入也。悛改也。五篇之書。尚餘人哉。註堅格難入也。悛改也。五篇之書。尚書中伊訓太甲上太甲中太甲下。咸有一德之篇也。上篇之訓。即太甲上也。王未克變。營于桐

宮太甲
上之辭

綱 已酉二十有九祀。王崩立弟太庚。兄終弟及。自太庚始。

太庚

綱 庚戌商王太庚元祀。

綱 甲戌二十有五祀。王崩子小甲踐位。

小甲

綱 乙亥商王小甲元祀。

綱 辛卯十有七祀。王崩弟雍已立。

雍已

綱 壬辰雍已元祀。商道衰諸侯或不朝。

綱 癸卯十有二祀王崩弟太戊立。

太戊

大脩成湯之政桑穀生朝

綱 甲辰商王中宗太戊元祀亳有祥伊陟相王大脩成湯之政紀 太戊立伊陟伊尹子為相亳有祥桑穀共

生于朝一暮大拱

祥災異也桑穀二木名二木合生不恭之罰兩手持日拱

太

戊懼問於伊陟陟曰妖不勝德王之政其有缺與王

其脩德太戊從之大脩先王之德三日而祥桑枯死

綱 丙午三祀諸侯畢朝紀 太戊側身脩行明養老之

禮早朝晏退問疾弔喪三年而遠方重譯

見一卷來

朝者七十六國。又有賢臣巫咸臣扈戶共輔佐之商

道復興。○命中衍伯益裔孫為車正。

綱戊午。七十有五祀。王崩。廟號中宗。子仲丁踐位。

仲丁。

綱己未。商王仲丁元祀。

綱甲子。六祀。遷都于囂。

放。○今河南開封府河陰縣是時。亳都有河決之患。故遷。

十囂。綱藍夷作寇。

綱辛未。十有三祀。王崩。國內亂。弟外壬立。

外壬。

綱壬申。商王外王元祀。

綱丙戌。十有五祀。王崩。國內復亂。弟河亶甲立。

河亶甲

徙都于相

綱丁亥。商王河亶甲元祀。徙都于相。今河南彰德府是時囂都有河

決之患遂遷于相。商道寢衰。

綱乙未九祀。王崩。子祖乙踐位。

祖乙

徙都于耿

綱丙申。王祖乙元祀。圮。于相。相都又為徙都于

耿。今山

平陽縣

綱甲辰九祀。圮于耿。耿都又為水所圮。徙都于邾。今直隸順德府邾臺。

縣巫賢子巫咸作相。商道復興。諸侯賓服。

綱甲寅十有九祀。王崩。子祖辛踐位。

祖辛

綱乙卯。商王祖辛元祀。

綱庚午十有六祀。王崩。弟沃甲立。

沃甲

綱辛未。商王沃甲元祀。

綱乙未二十有五祀。王崩。國亂。祖辛之子祖丁立。

祖丁

綱丙申。商王祖丁元祀。

綱丁卯。三十有二祀。王崩。國亂。沃甲之子南庚立。

南庚

綱戊辰。商王南庚元祀。

綱壬辰。二十有五祀。王崩。國亂。祖丁之子陽甲立。

陽甲

綱癸巳。商王陽甲元祀。商道復衰。諸侯莫朝。

綱己亥。七祀。王崩。弟盤庚立。

盤庚

遷都于殷

綱庚子。殷王盤庚元祀遷都于殷。改國號曰殷。紀時

商道浸衰。乃謀遷都于殷。在河南河南府偃師縣蓋西亳也。臣民皆

作書告論
臣民

安土重遷。安於故土而不肯遷。盤庚作書。商書盤庚上中下三篇。以告論

臣民。論以遷都之利。不遷之害。遂歸于亳。改商曰殷。盤庚行湯之

政商道復興。

綱丁卯。二十有八祀。王崩。弟小辛立。

小辛

綱戊辰。殷王小辛元祀。殷道復衰。

綱戊子二十有一祀王崩弟小乙立

小乙

綱已丑殷王小乙元祀

古公遷岐

綱甲寅二十有六祀古公亶父自豳見上遷于岐今陝

西鳳翔府岐山縣改國號曰周

綱丙辰二十有八祀王崩子武丁踐位

武丁

綱丁巳殷王高宗武丁元祀王宅居也憂甘盤為相紀

武丁居喪弗言以甘盤為相百官總已以聽武丁免喪甘盤

復政
告老

綱已未三祀免喪弗言得傳附說悅爰立作相總百

官資學于說紀武丁既免喪猶弗言恭默思道夢上

帝賚也也以良弼乃使人以形圖其旁求求非於天下

說為胥靡築于傅巖胥靡聯繫相從服役囚徒之名

謂水壞道使胥靡築之求得之命以為相以總百官

說命

又置諸左右朝夕納誨以受學焉說乃陳說命商書篇名

三篇上篇記得說命相之辭中篇記說為用訓于王

相進戒之辭下篇記說論學之辭山堂章氏曰嘗怪傳說以匹夫而登相位不由
薦舉不由人望不由家世不由勲業不由資序

用人當如堯試舜

祖山訓王

舜見一卷

而當時物論遂信之而不疑何哉嗚呼此不可以常情論也有高宗有傳說則可君非高宗臣非傳說則必有私意用人而不合於公議者矣漢文帝以夢得鄧通光武以識用王梁此豈足信哉後世用人者蓋鄧通見十一卷二十九王當如堯試舜可矣臣梁見十九卷二十八堯試

綱王戊六祀重譯來朝者六國紀武丁祭成湯當依商書

作祭有飛雉升鼎耳而雉姊也祖已訓諸王語詳商書

高宗彤日武丁內反諸已以思王道蠻夷重譯見一

九來朝者六國自是章服多用翟羽山雉曰翟尾長五色皆備

東萊呂氏曰災異有三人君之過形見暴露然後出災異以警懼之此無道之君與天地隔絕

廟之過

竟方

不通飛潛動植皆夫其宜如是者災異之應常遲賢君至誠與天地合為一體性情之羌少有過失災異立應如是者災異之應常速高宗祭禩廟而有飛雉之變以高宗之為君豈其有異蓋高宗恭默思道夢而賁以良弼精神與天地相通入矣又繼之以惠天之功德與天合故於祭祀之閒略有過厚飛雉隨而應之音憲人書此雖高宗近厚之過過於厚亦過也註說命惟天聰明惟聖時憲過厚書彤日與祀無豐于昵禩廟為昵言祭不可獨厚于禩廟。昵銀人替

綱戊子三十有二祀

伐鬼方紀鬼方無道

北胡種落不一歷代

名稱各異夏曰獯鬻殷曰鬼方周曰玁狁秦漢曰武匈奴唐曰突厥宋曰契丹。玁狁音險九契音乞武

丁伐之三年乃克自是內外無患而殷道復興

綱丁酉四十有一祀周古公亶父生子季歷

綱乙卯五十有九祀王崩廟號高宗子祖庚踐位。

祖庚

綱丙辰殷王祖庚元祀

綱壬戌七祀王崩弟祖甲立

祖甲

綱癸亥殷王祖甲元祀

綱庚寅二十有八祀周世子季歷生子昌。紀古公之

妃太姜生少子季歷。季歷娶太任。平皆賢婦人。太任

生子昌。有聖瑞。古公曰：我後世當有興者。其在昌乎。

綱周古公亶父薨。少子季歷嗣立。紀古公三子。長曰

太伯。次曰仲雍。一名虞仲。少曰季歷。太伯、虞仲、知古

公欲立季歷以傳昌。古公病。二人託名採藥。遂之荆

蠻。楚越之界。今江南蘇州府。國民君事之號為句。鉤。吳。

綱乙未三十有三祀。王崩。子廩辛踐位。

廩辛

綱丙申殷王廩辛元祀。

綱辛丑六祀。王崩。弟庚丁立。

庚丁

綱壬寅殷王庚丁元祀。

綱壬戌二十有一祀王崩子武乙踐位。

武乙

北遷都子河

綱癸亥殷王武乙元祀遷都于河北今河南衛輝府

綱丙寅四祀王出畋崩于河渭之間子太丁踐位。紀

武乙無道為偶人土木人謂之天神與之博即雙陸令平聲

人為去聲行天神不勝乃僂辱之為革囊盛平聲血仰射

石之命曰射天畋獵于河渭之間為暴雷震死。

武乙射天
暴雷震死

太丁

綱丁卯殷王太丁元祀周公季歷伐燕京之戎

綱己巳三祀王崩子帝乙踐位

帝乙

綱庚午殷王帝乙元祀命周公季歷為牧師周公

命周公為侯伯

季歷伐始呼翳徒二戊名之戎王賜之圭璫和鬯為侯

伯璫宗廟裸器圭璫以大圭為璫之柄和黑黍鬯香草合釀酒以降神者皆諸侯用之也釀娘去聲

綱丙子七祀周公季歷薨壽百歲世子昌嗣立是為文王

綱丁丑八祀周西伯昌元年

綱辛巳十有二祀周西伯治岐發政施仁見孟子紀西

西伯澤及
枯骨

岐周地震

伯行於野見枯骨命瘞意也之吏曰此無主矣西伯
 曰有天下者天下之主有一國者一國之主吾即其
 主遂葬之天下聞之曰西伯澤及枯骨況於人乎
 西伯篤仁敬老慈少禮下賢者日中不暇食以待士
 士以此歸之太顛閎夭散宜生鬻子名辛甲事紂七
 而不聽去至周皆往歸焉綱鳳凰鳴于岐山在陝西鳳翔
綱甲申十有五祀岐周地震紀西伯寢疾五日而地
 震東西南北不出郊圻西伯曰天之見妖以罰有罪
 率德改行其可免乎未幾疾愈

綱壬辰二十有三祀

西伯昌十有六年

周西伯昌生子發紀

初昌爲世子娶于有莘氏曰太姒太姒不妒忌生十

子長曰伯邑考蚤卒次曰發性慈和有聖德西伯以

爲世子次曰旦旦師于號叔仁聖多材藝西伯任以

政事

綱癸巳二十有四祀命西伯昌距昆夷備獫狁

見上十六

綱丙午三十有七祀王崩子辛踐位

是爲紂

紀帝乙妾

生微子又生仲衍已而爲后生辛帝乙及后以微子

賢欲立爲太子太史據法爭

諫

曰有妻之子不可立

妾之子乃立紂為後

紂辛

綱丁未殷王紂辛元祀王拒諫崇侈嗜酒色**紀**紂資

辯捷疾聞見甚敏材力過人手格擊也猛獸智足以拒

諫言足以飾非矜人臣以能高天下以聲以為皆出

已之下。○紂性汰侈好酒色始為象箸佳箕子歎曰

今為象箸必為玉杯玉杯象箸必將食熊蹯煩。獸掌曰蹯

豹胎他又將稱去聲是王求足欲天下殆哉。

綱甲寅八祀伐有蘇氏獲妲己嬖之縱淫樂重刑不

箕子歎象箸

百姓聲。怨戰紀。紂伐有蘇氏。有蘇氏以妲力入已女

去焉。妲已有寵。其言是從。所好者貴之所惡者誅之。

於是使師涓亦作延作朝歌紂都今河南北鄙之音。北

里之舞靡靡米。相順之樂。造鹿臺在淇為瓊室玉

門。臺廣三里。高千尺。七年乃成。厚賦斂以實鹿臺之

財。盈鉅橋倉名在淇縣之粟。益收狗馬奇物充物。忍去聲

宮室益廣沙丘在直隸順德苑臺南距朝歌北距邯鄲皆為離宮別館

大聚樂戲於沙丘。以酒為池。懸肉為林。男女裸相逐

其閒。宮中九市。為長夜之飲。諸侯有叛者。妲已以為

靡靡之樂

鹿臺之財

鉅橋之粟

炮烙之刑

罰輕誅薄故威不立乃重為刑辟為熨畏斗以火燒

熱使人舉之手爛更為銅柱以膏塗之加於炭火之

上使有罪者緣之循柱而過足滑墜火中與姐已觀之大

樂名曰炮炮烙之刑天下顫怨顫四肢寒痺也

綱丁巳十有一祀醢海九侯鄂侯諫脯之囚西伯子

亥有里紀紂以西伯昌九侯鄂侯為三公太師太保九

侯有女入之紂女不喜淫紂怒殺之而醢九侯鄂侯

爭諍之強辯之疾并脯鄂侯又剖孕婦視其胎斯捉

朝涉之脛形去聲視其髓雖上聲斯斬也紂冬月見

剖胎開脛

斯而視其髓西伯聞之竊歎崇侯虎知者以告紂紂乃囚

西伯於羑里殷獄名

文王濟易

綱戊午十有二祀周西伯演易於羑里演易之六十四卦各為象

道文王意中事

伊川程氏曰韓退之拘幽操曰目揜揜兮其凝其盲耳肅肅兮聽不聞聲朝不日出兮夜不見月與星有知無知兮為死為生嗚呼臣罪當誅今天王聖明此退之之善講文王也蓋其曰臣罪當誅今天王聖明道文王意中事前後之人道不到此朱子曰雜說云崇侯虎譖西伯曰西伯欲叛紂怒囚之羑里西伯歎曰爰有不慈子不可以不孝君有不明臣不可以不忠豈有君而可叛乎此言為得其平云

西伯請除炮烙之刑

綱己未十有三祀釋西伯西伯因獻洛西之地請除

西伯得專征伐

系錄易知錄

卷之二

十一

虞尚質成

炮烙之刑從之遂賜西伯弓矢鈇鉞使得專征伐紀
西伯之臣散宜生閔夫之徒患之乃求有莘氏美女
驪戎之文馬有熊之九駟及奇怪之物因殷嬖臣費
仲而獻之紂大悅曰此一物足以釋西伯況其多乎
一物指美女乃赦西伯西伯因獻洛西之地請除炮烙之
刑紂大喜許之賜之弓矢鈇鉞使專征伐

綱庚申十有四祀虞尚質成于周

紀虞

今山西平陽府平陸

縣

芮

今平陽府芮城縣

之君相與爭田久而不平乃相與朝

周入其境耕者讓畔

田界也

行者讓路入其邑男女異

關四

路班白者不提挈入其朝士讓為大夫大夫讓為卿
二國之君感而相謂曰我等小人不可以履君子之
庭乃相讓以其所爭之田為閑田而退天下聞之而
歸者四十餘國

文王得呂
尚

綱辛酉十有五祀周西伯得呂尚立為師紀呂尚者

其先祖嘗為四岳

兄一卷
二十

佐禹平水土虞夏之際封

於呂姓姜氏尚其苗裔

異

也西伯將出獵十之曰非

龍非鸛

非熊非羆

卑

非虎非貔

皮

所獲霸王之輔

鸛瑞獸熊似豕
羆似熊貔猛獸

果遇呂尚於渭水之陽

在陝西西安
府渭南縣

與語大悅。曰：自吾先公太公曰：當有聖人適周。周因以興。子真是耶？吾太公望子久矣。故號之曰太公望。載與俱歸，立為師，謂之師尚父。

文王徙都
豐

綱乙丑十有九祀，西伯伐崇。

在西安府鄠縣。

因作豐邑。

在鄠縣豐。

文王立靈

水徙都之。

詩大雅既伐于崇，作邑于豐。

綱周西伯立靈臺。

文王之為臺所。

上以候日景，占星象，望雲物，故謂之靈臺。景音影。

綱丙寅二十祀，周西伯昌薨。

在位五十年，壽九十七歲。

世子發嗣。

是為

武王紀西伯寢疾，謂世子曰：見善勿怠，時至勿疑。去。

非勿處。此三者，道之所以止也。世子再拜受教。西伯。

薨葬于畢

咸陽縣

雙湖胡氏曰史謂文王隱行善諸侯皆來決
母乃以小人之心度君子之腹者乎嘗讀魯頌
至太王實始翦商讀魯論至三分天下有其二
未嘗不慨後之論者皆不能不以辭害意也詩
稱實始翦商特謂王季文王之立由於太王以
至武王有天下推原其故則翦商實自太王始
耳非謂太王真有翦商之心也孔子稱三分天
下有其二特以文王之聖德化所及極其形容
之廣耳豈謂三分有二之版圖誠歸之於周哉
且以虞芮一質成之後歸文王者四十餘國疆
土未必為文王有而四十國之諸侯四十國之
人心則歸文王矣至武王孟津之會諸侯不期
而集者八百國豈八百國之疆土人民先為武
王有哉亦心悅誠服而趨之者如歸市耳文武
之心蓋有推之而不能去逃之而不能免者
矣請得以二王之心暴白於千載之上也

註音

剪商剪斷也魯頌后稷之孫實維太王居岐之陽實始剪商。斷音短

綱丁卯二十有一祀周西伯發元年

綱癸酉二十有七祀周西伯發生元子誦紀西伯納

呂尚之女曰邑姜邑姜賢立未嘗倚坐未嘗倨怒未

嘗厲是年生子誦

綱丁丑三十有一祀周西伯東觀兵戡黎紀西

伯上祭于畢東觀也兵謂示兵威于盟同孟津今河南懷慶府孟縣於其

地置津故名孟津。書秦誓言武渡河即盟中流白

王觀政于商未有觀兵于商之事魚介鱗之物兵象也白者殷家魚躍入王舟中所尚色乃殷命歸周之兆也王俯

西伯東觀
兵

白魚入舟

亦鳥之瑞

取以祭。既渡有火自上復於下。至於王屋。王所居屋流為

鳥其色赤其聲魄。流變化之意赤周所尚色魄安定之意鳥為孝鳥武王卒父次業故

皆曰紂可伐矣。王曰汝未知天命未可也乃引師還

西伯戡黎

○黎國名今山西潞安府黎城縣為不道西伯舉兵伐之既戡也

黎前編曰西伯戡黎武王也祖伊祖已之後恐奔告于王

祖伊知周德日盛勢必及殷故恐王曰我生不有命

在天弗聽

書傳蔡氏曰孔氏以為武王十一年觀兵十三年伐紂武王觀兵是以臣脇君也程子曰此事

間不容髮。一日天命未絕。則是君臣當日命絕。則為獨夫。豈有觀兵而後伐之哉。司馬遷作周本紀。因亦謂觀兵而後伐。紂譌謂承展轉左驗。後世學者遂謂實然而使武王蒙千百年脇君之惡鳴。呼惜哉。

綱戊寅三十有二祀

西伯發十有二年

微子諫不聽。去之箕

子諫被囚。因佯狂為奴。比干固爭死之。紀紂有賢臣

梅伯。性忠直。數

朔

諫諍。紂怒殺而醢

海

之。有雷開者

阿佞。進諛言。紂賜金玉而封之。賞以夏田。微子數諫

不聽。遂去。箕子諫亦不聽。人或曰。可以去矣。箕子曰

為人臣諫不聽而去。是彰君之惡而自說於民。吾不

商之一代
風俗最美

忍爲也。乃被避髮佯狂而爲奴。遂隱而鼓琴以自悲。
傳之曰箕子操。去聲比干極諫陳先王艱難。天命不易。
國家將亡之明徵。請王洗心易行。去聲伏于象魏。見五
之門。紂大怒曰。比干自以爲聖人。吾聞聖人之心。
有七竅。遂剖視之。**綱**商亡

勿軒熊氏曰。天下之治亂。係風俗。風俗之美惡。
係人心。三代固有道之長也。而商之一代風俗。
爲最美。每讀商書至終篇紂之將亡。三仁寧死。
寧遜。寧佯狂爲奴。所以自靖自獻者。不敢有。
毫負先王之心。伯夷叩馬一諫。稟乎萬世君臣。
大義。雖聖人復起。不可易也。或言微子先抱祭
器奔周者。非也。書所謂我不顧行。遜我罔爲臣。
僕者。去而避紂耳。曷嘗有去商卽周之事哉。歸

蒼成一代
人心風俗

周以全宗祀自是商亡以後事比干之死固已
妄之箕子之佯狂後來武王下車訪道授聖大
法而不爲之臣朝鮮長往用廣宗祀此其志何
如哉不但也是也當時爲商之臣若民者大字有
不肯臣周之心大誥洛誥多方多士諸篇班班
可睹雖周人目之爲頑有商則不失爲義矣所
謂歷三紀而後世變風移蓋當康王之世歸周
且四十年矣壯者已老老者已死其連播遺黎
真是至不二可見商家一代人心風俗矣夏未
之前聞也周平王以後奄奄如一厖羸病廢之
人略無能出一服強劑以起其生者則所謂養
成一代之人心風俗有王者作誠不可已也
音註自靖自獻我不顧行遜我罔爲臣僕商書微
子篇辭大法洪範也見周書洪範篇朝鮮箕
子所封國大誥洛誥多方多士皆周
書篇名厖羸瘠病之人。在音汪

右商二十八主計六百四十四年

周紀

武王

諡法克定禍亂曰武

武王伐商

綱

己卯

周武王十有三年冬一月癸巳周王發帥師

會諸侯伐商告于皇天后土所過

戈

名山大川

紀

王

聞紂暴虐滋甚殺王子比干囚箕子微子抱其祭器

奔周於是徧告諸侯曰殷有重罪不可以不伐遂東

伐紂**綱**春正月周王大會諸侯于孟津誓師伐商

二月癸亥周王陳師于商郊甲子商受帥其旅會戰

于牧野

在河南衛輝府汲縣

綱商師潰

令

受反奔鹿臺自燔死

王卽位。國號周。復商舊政。**紀**紂聞武王來。亦發兵七

十萬人拒武王。武王使師尚父與百夫致師。古者將戰先使

勇力之士犯敵謂之致師以大卒馳紂師。紂師雖衆皆無戰心。倒

兵以戰。

反自攻其後

以開武王。武王馳之。紂兵皆崩。畔同叛

紂反走。登鹿臺之上。衣去聲珠玉。自燔而死。武王斬妲

己。於是封比干之墓。聚土曰封表商容。股賢人爲紂所貶之間。發

鉅橋之粟。散鹿臺之財。歸頃宮之女。殷人咸喜曰。王

之於仁人也。死者封其墓。況於生者乎。王之於賢人

也。亡者表其閭。況於在者乎。王之於財也。聚者散之

也。亡者表其閭。況於在者乎。王之於財也。聚者散之

發聚散財

封比干墓

況於復

去聲

藉平

也。藉稅

王之於色也。在者歸其父。丹沉

於復徵乎。

徵名也。

正學方氏曰。牧野之兵。非武王之志也。聖人之不幸也。武成載其時事。但曰一戎衣天下大定。不書紂之死。者為武王諱。故不忍書也。他書謂紂自焚死。意為近之。蓋武王之於紂。非有深讎宿怨。特為民去亂耳。使紂悔過遷善。武王必不與師而踰孟津。及紂兵已北。使紂不死而降。武王必將封之以百里之邑。俾奉其宗廟。必不忍加兵於其身也。況紂已死乎。吾意武王見紂之死也。不踊而哭。則命商之羣臣以禮葬之矣。豈復有餘怒及其既死之身乎。遷史乃謂武王至紂死所。三射之。躬斬其首。懸於太白之旗。此戰國薄夫之妄言。遷取而信之。謬也。

綱

封

紂子武庚為殷侯。使管叔、蔡叔、霍叔監殷。

綱夏四月王來自商諸侯受命于周紀諸侯尊王為

天子王始改正朔

夏以建寅月為正。平旦為朔。殷以建丑月為正。雞鳴為朔。周以建子

月為正夜半為朔

以建子月為歲首改祀曰年色尚赤服以

歸馬放牛

冕○歸馬華山

在陝西西安府華州

之陽放牛桃林

今西安府華陰縣潼

關之野倒載干戈包之虎皮車甲衅

同

而藏之府庫

示天下不復用綱大封建諸侯于天下紀王追思元

封建諸侯

聖封神農之後於焦

今河南河南府陝州有焦城

黃帝之後於祝

今山東濟南府長清縣

帝堯之後於薊

計。今直隸順天府大興縣

帝舜之

後於陳

今河南開封府陳州

大禹之後於杞

今開封府杞縣於是封功

臣謀士而師尚父爲首封於營丘今山東青州府昌樂縣曰齊

封周公於曲阜今山東兗州府曲阜縣曰魯名郤公奭於北燕

今順天府畢公高於畢今西安府咸陽縣叔鮮於管今開封府鄭州叔度

於蔡今河南汝寧府上蔡縣叔振鐸於曹今兗州府曹州叔武於郕成

在兗州府叔虔於霍今山西平陽府霍州康叔封於衛今河南衛輝府

兄弟之國十有五人同姓者四十餘人班賜宗彝宗彝

酒尊盛鬱鬱者有三品上曰彝中曰卣下曰壺。卣音由壺音雷分殷之器物於諸

侯綱祀于周廟追王太王王季文王因定諡示法紀

祀于太廟始定祀先之禮諱名立諡諡者誅行立號以易名也賤

定諡法

不誅

磊。誅累也累列生平實行若今之行狀誅之將以作謚

貴幼不誅長唯天

子稱天以誅之

天子至尊無二故讀誅制謚於南郊若云受之於天耳

諸侯不

得相誅追王古公亶父曰太王季歷曰王季文考曰

文王

綱柴以祭

于上帝望

望而祭之

于山川大告武成

周書

有武成篇

綱王受丹書之戒為銘以自警紀王踐阼

祚即位

也三月召士大夫而問焉曰惡

鳥

有藏之約行之博

萬世可以為子孫恆者乎師尚父對曰在丹書

尚書帝命

驗云季秋之月甲子赤爵銜丹書入于豐止于昌舍

有之曰敬勝怠者吉怠勝

敬者滅義勝欲者從欲勝義者凶凡事不强則枉弗

敬則不正枉者滅廢敬者萬世藏之約行之博可以

為子孫恆者此言之謂也王聞書之言惕然恐懼退

而為戒書於席之凹端及几鑑盥管盤楹杖帶履屨

觴豆戶牖有劍弓矛各為銘焉警戒之綱王訪道于

箕子箕子陳洪範洪範周書篇名詳一卷二十五漢志曰禹治洪水錫洛書法而陳之

洪範是也史記武王克殷訪問箕子以太道箕子以洪範陳之蓋洪範發之於禹箕子推衍增益以成篇

賦紀王克殷釋箕子之囚訪問以天道箕子以洪範

陳之乃封於朝鮮在遼東外徼而不臣

穎濱蘇氏曰箕子之不臣周也而易為為武王陳洪範也天以是道畀之禹傳至於我不可使

夷齊隱餓

首陽

自我而絕。以武王而不傳。則天下無可傳者矣。故為箕子有傳。道則可仕。則不可。

綱殷故臣伯夷叔齊云周隱於首陽山不食而死紀

伯夷叔齊孤竹

見本卷第八

君之二子也父欲立叔齊及

父卒叔齊遜伯夷伯夷曰父命也遂逃去叔齊亦不

肯立而逃之國人立其中

仲子

及武王伐紂夷齊乃

相與叩

叩馬

牽馬

陳君臣以諫左右欲兵之太公曰

此義人也扶而去之武王已平殷亂天下宗周而夷

齊恥之隱於首陽山

在山西平陽府蒲州

義不食周粟採薇

菜

也而食之及餓且死作歌曰登彼西山兮采其薇矣

以暴易暴兮。以暴臣易暴君。不知其非矣。神農虞夏忽焉沒。

兮。我安適。的歸矣。也。適從。吁嗟徂。同。命之衰矣。遂餓。

死於首陽山。古史考曰。夷齊采薇野有婦人。曰子義不食周粟。此亦周之草木也。於是餓死。

道源劉氏曰。易稱湯武革命。順乎天而應乎人。孔子曰。伯夷叔齊求仁而得仁。又何怨。蓋言湯

武所以懼後世之為人君者。稱夷齊所以戒後世之為人臣者。道異而歸。雖萬世無弊焉。

羅景倫曰。太公之鷹揚。伯夷之叩馬。道並行而

不相悖也。太公處東海之濱。進而以功業濟世。伯夷處北海之濱。退而以名節勵世。二者大

下之大老也。故各為世辦大事。可謂無負文王

之所養矣。

綱立。徹聲闡入法。綱遷都于鎬。豪上聲。今陝西西安府。周家自后稷居邰。

遷都于鎬

各辦大事

道異同歸

綱立。徹聲闡入法。綱遷都于鎬。周武王。三十一

建學養老
作大武樂

公劉居豳太王邑岐文王遷于豐至武王遷于鎬

綱建學養老

作大武樂

綱肅慎氏來貢紀時九夷八蠻各以方物來貢肅慎

氏東北夷

貢楷戶

矢楷木名可為矢

石弩

弩可為矢鏃

其長尺有

尺止八寸日

王欲昭令德之致遠銘其括

箭受弦處日括肅

慎氏之貢矢

綱庚辰十有四年西旅獻獒

邀

召公奭作書戒王紀

西旅

西夷底致

貢厥獒

犬高四尺日獒

召公以獒非常貢易啓

人主異好不可以示諸侯乃作書名曰旅獒用訓于

王綱王有疾周公旦祝告三后求以身代王紀武王

名公作旅
獒

有疾。周公以王室未安。殷民未服。根本易搖。故請命。

太王王季文王欲以身代王死。史官錄其冊祝之文。

藏於金滕。滕。周書有金滕篇。金滕以金

公歸之。乃瘳。抽。愈也。

綱辛巳。十有五年。春。巡狩。方岳。祀百神。朝諸侯。

綱壬午。十有六年。夏。箕子來朝。**紀**箕子朝周。過故

殷墟。傷宮室毀圯。瘳禾黍生焉。欲哭不可。欲泣則為。

近婦人。故作麥秀之歌。曰。麥秀漸漸。麥芒兮。禾黍油。

油。光悅兮。彼狡童指兮。不與我好兮。殷之遺民間之。

麥秀歌

莫不流涕

綱乙酉十有九年冬十有二月王崩

在位七年壽九十歲

子誦踐位周公旦位家宰正百工

雙湖胡氏曰武王之爲君也大之爲洪範之陳而萬世彝倫之道明次之爲丹書之戒而敬怠義欲之辨著纖之爲九府圜法之立而泉貨之利通報本反始則崇追王祭祀之禮垂裕後昆則立教世子之法至於建官則惟賢也位事則惟能也重民五教而食喪祭之加謹惇信明義而崇德報功之兼盡此其省九府圜法見所以垂拱而天下治也

三卷第七

大本堂綱鑑易知錄卷之三

周之炯靜專

通鑑綱目定本

山陰吳乘權楚材同輯

周之燦星若

周紀

成王

名誦武王之子年十三嗣位在位三十七年諡法安民立政曰成

綱丙戌周成王元年

魯公禽父元年

周公旦相王踐阼而

治紀成王幼不能蒞阼周公攝政踐阼而治南面負

展

負背也展畫斧屏風高八尺東畱當戶牖之間以絳為質畫為斧文天子南嚮而立於其中

周公負展以朝諸侯

抗世子法於伯禽

紂金易知金

卷之三

朝諸侯。○抗世子法於伯禽。抗舉也舉為世子之法以教伯禽使成王有所

觀欲令平成王之知父子君臣長幼之道也成王有

過則撻伯禽所以示成王世子之道也

吳氏澹曰書所謂位冢幸正百工與詩所謂攝政皆在歲王諒陰之時非以幼冲而攝而其攝也不過位冢宰之位而已亦非苟卿所謂攝天子位之事也三年之喪二十五月而畢方其畢時周公固未嘗攝亦非有七年而後還政之事也百官總已以聽冢宰未知其所從始如殷之高宗已然不特周公行之此皆論周公者所當先知也。

周公作誥告召公

周公旦作誥以告召公奭紀時召公為三公自陝

今河南河南府陝州以西召公主之自陝以東周公王之成王

既幼。周公攝政當國。召公疑之。周公作君奭。周書篇名。君者

尊之之稱。奭於是召公乃說。
史記謂召公疑周公攝政當國。周公作君奭。按

召公名也。
書君奭之篇乃召公告。
綱夏六月葬武王于畢。見上卷二

老而去。周公留之耳。
綱王冠。貫
紀既葬武王冠成王而朝于祖以見諸

侯。周公命祝雍。祝史名雍作頌曰。祝王辭達而已。勿多也。

祝雍辭曰。使王近。去聲於民遠。去聲於佞。愛也於時惠於

財親賢而任能。其頌曰。令。善也月。晝日。王始加元服。冠也

去。上聲王幼志服袞職。欽。敬也若。順也昊天六合。天地四方是式

也。法也率爾祖考。永永無極。**綱**命周公元子伯禽代就封

周公戒伯禽

於魯。紀伯禽就封於魯。周公謂伯禽曰。我文王之子。

武王之弟。今王之叔父。吾於天下不賤矣。然我一沐。

三握髮。一飯。返三吐哺。步。食在起。以待士。猶恐失。

天下之賢人。子之魯。慎無以國驕人。

綱管叔及蔡叔。霍叔流言。周公居東。紀管叔及其羣。

弟流言。汙浪不恨之言。於國曰。公將不利于孺子。指成王。疑。

周公。周公乃避位居東。居國之東也。取易之三百八十四。

爻。各繫以辭。

綱丁亥二年。王聽政。周公居東。罪人斯得。方流言之起。成王未

周公居東
繫易爻辭

周公作詩
貽王

王迎周公
于東

管叔與武
庚叛

知罪人爲誰二年之後王始知流言之爲管蔡所起
者遲之之辭也是時成王之疑十已去其四五矣
戊子三年周公居東作詩以貽王名之曰鴟鴞

詩幽風篇名鴟鴞惡鳥以其破巢取
卵比武庚之害管蔡而欲毀王室也
綱秋大雷風王

迎周公子東出郊雨反風
綱秋大熟未穫黃人聲

天大雷電以風禾盡偃大木斯拔王
大恐與大夫盡

弁便也弁以啓金縢之匱見周公請代武王之事執

書以泣乃出郊迎周公天乃雨反風禾盡起歲則大

熟綱管叔及蔡叔霍叔與武庚叛奄淮夷徐戎皆叛

紀成王既迎周公歸三叔懼遂與武庚及淮夷等叛

周公東征

綱鑑易知錄

卷之三

三

綱命周公東征。周公作大誥于天下。周書有大誥篇。綱魯侯

伯禽帥師伐淮夷徐戎。綱討武庚誅之。封微子啓於

宋。今河南歸德府商丘縣。以紹殷後。綱致辟誅戮管叔于商。囚

蔡叔于郭鄰。中國之外地名。降霍叔于庶人。○遂定奄及淮

夷。東土以寧。綱周公東征凱還。旋作詩以勞去聲士

周公東征凱還

平。語詳詩幽風東山篇

綱已丑四年王免喪。朝先王廟。延訪于羣臣。○周公

歸政於王。王中立聽。平聲政而四聖維之。周公常立於

前。進天子以道。太公常立于左。輔天子之意。召公常

四聖維王

周公制禮

越裳獻白雉

立於右拂同天子之過。史佚常立於

忘是以慮無失計。而舉無過事。

綱辛卯六年。董正百官。制禮樂。紀周公。加三之

冢宰司徒宗伯司馬司寇司空制禮作樂。頒量天下大治。**綱**越裳氏

來朝。**紀**交趾見十四卷十九南有越裳氏。重三譯見一卷十九

來獻白雉。周公曰。德澤不加。君子不饗其贄。政令不

施。君子不臣其人。譯曰。吾國之黃耆苟。黃老人。髮白復黃也。耆老

人面凍梨色曰。天無烈風淫雨。海不揚波。三年矣。意

如淫垢也。中國有聖人乎。於是來朝。周公致薦於宗廟。使者迷

其歸路。周公錫以駟。

便平聲。

車五乘。

去聲。駟。車四面有屏蔽。

皆爲

指南之制。

見一卷第十。

使者載之。由扶南林邑。

南蠻二國。

海際

期年而至其國。故指南車常爲先導。示服遠人以正

四方。

綱。壬辰。七年。春。二月。王命太保召公相宅。三月。周公

至洛。興工營築。王至新邑。命周公留後治洛。紀初武

王作邑於鎬京。

今陝西西安府。

謂之宗周。

以王業所由起。

是爲西都。

將營成周。

謂王業所由成。

居於洛邑。

今河南府。

而未果。至是王

欲如武王之志。定鼎。

鼎。禹所鑄。九鼎。

於郊。

夾。

廓。

廓。東周王城。卽洛邑也。

成王如武王之志

洛邑天下之中

十曰傳世三十歷年七百

其後傳世三十七歷年八百餘故曰過其曆

月使召公先相宅

召公先周公行相視洛邑

三月周公至洛興工

營築謂之王城是為東都曰此天下之中四方八貢

道里均也周公又營成周王至洛邑遷殷頑民於成

周畱周公治洛王復還歸西都

王居西都而朝會諸侯於東都

東坡蘇氏曰大誥康誥酒誥梓材名誥洛誥多士多方八篇雖所誥不一然大略以殷人不心服周而作也予讀泰誓武成常怪周取殷之易及讀此八篇又怪周安殷之難也予乃今知湯已下七王之德深矣方紂之虐人如在膏火中歸周如流不眠念先王之德及天下粗定人自膏火中出即念殷先七王如父母雖以武王周公之聖相繼撫之而莫能禁也使周無周公則

亦殆矣。此周公所音七王成湯太甲太戊以畏而不去也。註盤庚小乙武丁帝乙

綱設南郊建明堂立大社逸周書曰設丘兆于南郊

晨先王皆與食又宗祀文王於明堂以配上帝諸侯受命於周乃建大社于國中其壝東青土南赤土西白土北驪土中央黃土將建諸侯鑿取其方一面土苞以黃土苴以白茅以為土封故曰受削土于周

周公分正東都

綱癸巳八年周公分正東都**綱**王命蔡仲復封之蔡

紀蔡仲蔡叔之子也叔沒周公以仲賢命諸成王復

封之蔡

桐葉封弟

綱甲午九年封弟叔虞為唐侯**紀**王與叔虞戲削桐

葉為珪同以與叔虞曰以此封若也汝史佚因請擇曰

立叔虞王曰吾與之戲耳史佚曰天子無戲言言則

史書之禮成之樂歌之於是遂封叔虞於唐今直隸保定府

唐縣故曰唐叔虞

周公作無逸

綱丙申十有一年周公在豐見上卷作無逸以戒王

周書有無逸篇周公懼成王知逸而不知無逸也故作是書以訓之**綱**周公薨于豐葬

周文公于畢紀周公在豐前編曰按周公治洛或此時獨以朝覲在豐耳病

將歿曰必葬我成周以明吾不敢離去聲王周公既卒

成王亦讓葬周公於畢見上卷從文王以明其不敢

臣周公也○成王以周公有勲勞於天下賜魯公世

世祀周公以天子之禮樂是以季夏六月以禘禮祀

周公於太廟以文王為所出之帝而周公配之

明道程氏曰周公之功固大矣皆臣子之分所當為魯安得獨用天子禮樂哉成王之賜伯禽之受皆非也其因襲之弊皆用之羣公之廟遂使季氏僭八佾三家僭雍徹故仲尼譏之

君陳分正東郊

綱命君陳分正東郊成周紀周公既沒命君陳分正

東郊成周

語詳周書君陳篇

成三直得實造之學

東萊呂氏曰君陳之命周公則既沒矣成王真得實造之學當於是篇求之周公之沒也庶臣碩輔尚多立於朝而分正東郊成王獨以屬之君陳是獨何哉斯時也東郊治體所宜盡循周公之典使付之舊臣則諸老固非作聰明亂舊章者然平日與周公比肩同功慮其兢兢循守

成王微指

作九府圖法

綱典

綱丁酉十有二年巡狩朝諸侯于方嶽因行黜陟之

者或末事固微有自用之意於其開則於治體已有開矣不若鬼之後退端整之人則一。意奉承不。敢毫髮增損成王微指蓋在此也。至於成終之任開闔變化其四世元老莫能之故康王必付畢公焉成康之於前龐音茫屬音治體其觀時義者精矣註祝昇音祝。

綱戊戌十有三年作九府圖法紀初唐虞夏商之

世幣錢也金有三品至是太公望乃立九府大府王府內府外府

泉府天府職內職金職幣圓法錢也錢圓函方輕重以銖銖二

之通九府之用布帛廣二尺二寸為幅長四丈為匹

顧命

綱 壬戌三十有七年夏四月王命太保奭及羣臣受

顧命。顧命周書篇名成王將崩命羣臣立康王史序其事為篇謂之顧命顧命者臨死回顧而發命

也

綱 王崩太子釗昭即位

東萊呂氏曰堯舜禹湯文武皆無顧命而成王獨有顧命蓋成王初經三監之變王室幾搖故於此正其終始時詳焉顧命成王所以正其終康王之誥康王所以正其始

康王

名釗成王之子在位二十六年諡法溫柔好樂曰康

綱 癸亥周康王九年徧告諸侯朝於豐豐宮紀諸侯

來朝王作康誥周書康王之誥徧告之宣示文武之功業乃

朝見諸侯於豐見上卷宮由是諸侯率服

康王之誥

畢公保釐
東郊

綱甲戌十有二年夏六月命畢公保也釐離東郊

綱戊子二十有六年太保召公奭薨諡曰初召公

治西方甚得民和有司請召民召民至召公曰不勞

一身而勞百姓非吾先君文王之志也乃巡行上聲

也察視鄉邑聽斷於棠樹之下至是卒人思其政不忍

伐棠樹作甘棠之詩國風歌詠之**綱**王崩子瑕踐位

紀成康之際天下安寧刑錯置四十年不用

雙湖胡氏曰康王克遵洪業敬恭神人四夷賓服海內晏然百姓興於禮義囹圄空虛刑措不用四十餘年有唐虞之風焉吁文武成康父子祖孫聖賢相繼者二百餘年後世謂太和在唐

虞成周字。音開貞元會合。音固圖音陵

之運。庶于古而再見者歟。固語獄名。

昭王

名段。康三之子。在位五十一年。諡法儀容恭美曰昭。

綱己丑周昭王元年

綱壬寅十有四年。魯侯

幽公弟潰。沸弑其君幽公而自

立

是為魏公。前編曰。按弑君爭國之禍。自是始而昭王不能討。失政甚矣。

綱己卯五十有一年。有光五色貫紫微

星名。天帝室太乙之精。

井水溢

井水溢。王巡狩至漢崩。子滿踐位。紀時周道漸衰。王

膠舟溺王

南巡狩。反濟漢

漢水在湖廣漢陽府城北

漢濱之人。以膠船以膠

也。船進王至中流。膠液也。船解。王及祭。債公。祭。畿內思周公之後

為王皆溺死

卿士名滿昭王之子在位五十
穆王五年論法布德執義曰穆

綱庚辰周穆王元年

綱壬午三年命君牙為大司徒伯冏為太僕正

君牙冏命

牙冏命二篇蓋命君牙為大司徒伯冏為太僕正之誥命也太僕僕御侍從之官正其長也

東萊呂氏曰穆王之書三篇君牙冏命初年之書也呂刑末年之書也觀諸君牙冏命其所望臣僕者深且長矣然此心不繼造父為御周遊天下將必有車轍馬迹導其侈者果出於僕御之間抑不知伯冏猶在職否也然中雖放逸不可克保始而暮年哀敬初心復還謂之全德不可猶不失為周之令主也

穆王西征

八駿

綱丙申十有七年王西征徐戎作亂王歸征徐戎克

之紀有造父

甫。蜚廉六世孫。

者以善御幸於王得八駿馬

列子八駿：蒲騊、綠耳、赤驥、白渠、渠黃、踰輪、盜驪、山子。○蒲、古華字，渠音異。西巡狩樂而忘

反徐

今江南鳳陽府泗州。

子贏姓地方五百里行仁義得朱弓

矢自以為天瑞乃稱偃王四方諸侯朝於徐者三十

六國王聞徐子僭號造父為御長驅而歸以救亂與

楚連謀伐徐徐子不忍鬪其民北走彭城

今江南徐州。

百

姓隨之以萬數徐子將死曰吾賴於文德而不明武

備故至此王乃以趙城

今山西平陽府趙城縣。

封造父其族由

此為趙氏即戰國趙之祖

綱甲寅三十有五年征犬戎紀王將征犬戎西戎也欲征其

不享祭債公謀父甫諫曰不可先王耀德不觀貫兵

耀明也夫兵戢而時動動則威觀則玩玩則無震聚

也時動如三時務農一時講武是故先王之制邦內

甸服邦內天子畿內甸田也服事也以皆田賦之邦

外侯服邦外邦畿之外侯服者侯國之侯衛賓服侯

圻衛衛圻中國之界也謂之賓者漸遠王畿蠻夷要

平服蠻夷去王畿已遠謂之要者取要約之義特戎

翟荒服戎翟去王畿益遠以其荒野故謂之甸服者

祭祭於祖考侯服者祀祀於高曾賓服者享享於二祧要服者貢貢於

壇荒服者王王入朝也世一見各以其所貴瑤為贄此言五服佐天子宗廟之供者不同

日祭祭以日至月祀祀以月至時享享以時至歲貢貢以歲至終王王以終世

至謂朝嗣王及即位而來見此言五服之地有遠近故其供職有疎密先王之訓也不

祭不祀不享不貢不王於是乎有刑罰之辟刑不祭辟法也

有攻伐之兵伐不祀有征討之備征不享有威讓之令讓不

貢責其有文告之辭告不王諭布令陳辭而又不

則又增脩於德無單說要荒二服明遠國非近者可比惟有益自民於遠

作呂刑

脩德不可加兵。是以近無不司侯賓遠無不荒。荒

無不致勞吾民也。今犬戎氏以其職來王。而必以下享征之。且觀

之兵。其無乃廢先王之訓。而王幾頓乎。頓壞也。既廢

之訓。恐終王之禮亦自此壞。王不聽。遂征之。得四白狼。四白鹿。以

歸。所得此。自是荒服者不至。終王之禮壞矣。

綱己巳五十年。作呂刑。詰四方。呂刑。周書篇名。穆王用呂侯為司寇。命作

刑書。史錄其辭。因以呂刑名篇。

子王子曰。呂刑之書。律書也。首以五刑創於有苗。不識聖人制刑之本意。予固知其為法吏之辭也。舜之刑。未嘗不輕。而輕者本於罪之可疑。穆王之刑。亦未嘗不輕。而輕者失於罪之不可

脊且大辟之刑而可贖則凡有千鍰之貲者無所往而不可殺人矣烏得而不啓後世之亂哉但其盡折獄之情僞曲折而哀矜惻怛之意猶有三代之遺風焉聖人以其世之變法之變存之於書亦以其能精察乎典獄之姦尚可以爲後世聽訟用刑之戒非以其贖刑之可取也

音鍰音環六兩也呂刑云註大辟疑赦其罰千鍰

綱甲戌五十有五年王崩于祗宮離宮名有四歲子烝

扈踐位紀初穆王欲肆其心周行天下將皆必

有車轍馬跡焉欲無所不到祭公謀父作祈招詩以

止王心祈祈父周司馬之官招其名也祭公方諫其遊行故借司馬而作詩以止遏王之欲心其

詩曰祈招之悃悃陰式昭德音悃悃安和貌式用也言祈父之必安和用

祈招之詩

能自著。思我王度式如玉式如金。亦當思我王之當令聞矣。王之堅問。形民之力而無醉飽之心。若用民力當隨如金之貢。形民之力而無醉飽之心。其所能如治金制玉隨器象形而不王以是獲沒於祇宮。聞詩改過可存。醉飽過度之心。王以是獲沒於祇宮而得首終共王。名繫扈穆王之子在位十二年。諡法既過能改曰共。共音恭。

綱乙亥周共王元年。

綱丁丑三年王游于涇。京上。**紀**王游于涇上。涇水出陝西平

密康公母
涼府密。今平涼府康公從有三女奔之。其母曰必致

之於王。大獸三為羣。人三為衆。女三為粲。粲美物也。汝何德以堪之王。猶不堪。況爾小醜乎。小醜備物終

必亡康公私而不獻一年王滅密

綱丙戌十有二年王崩年八十有四歲子囂踐位

懿王名囂共王之子在位二十五年諡法溫柔賢善曰懿

徙都于槐里

綱丁亥周懿王元年徙都于槐里今西安府興平縣

綱戊子二年王室衰微詩人作刺

綱辛亥二十有五年王崩年五十歲共王之弟辟方立

孝王名辟方共王之弟在位十五年諡法慈惠愛親曰孝

綱壬子周孝王元年

綱甲子十有三年封非子為附庸邑之秦紀惡來革

非子封秦

之輩廉之後有非子者好馬善養息之王命主馬汧汧

渭之閒汧渭二水名汧水出陝西鳳翔府隴州渭水出陝西臨洮府渭源縣馬大蕃息

王封為附庸之君邑於秦今陝西鞏昌府秦州使續伯翳即伯益

大雨雹江

後自秦大雨去聲雹牛馬死江漢冰江漢見三八卷三五

雙湖胡氏曰陰陽之氣和而散則為霜雪雨露不和而散則為戾氣疔氣雹霜戾氣也陰脅陽臣侵君之象也當嬴秦始封之時而災異之見殺氣若茲履霜之象已兆於此矣天道之倚伏可畏也註履霜音意靈音理。履霜陰晦也嬴秦姓哉註履霜易坤卦履霜堅冰至倚伏老子禍兮福之所倚福兮禍之所伏

綱丙寅十有五年王崩年六十諸侯復立懿王太子有五歲

變屠

夷王

名變懿王之子在位十六年諡法安心好靜曰夷

天子下堂見諸侯

綱

丁卯周夷王元年天子始下堂見諸侯觀禮廢禮

曲禮

天子當寧而立諸公東面諸侯西面曰朝天子當依而立諸侯北面而見天子曰覲又春見曰朝秋曰覲

仁山金氏曰孝王崩諸侯復立懿王太子變是為夷王然則夷王本未必立而立於諸侯之手故為是加禮於諸侯下堂而見之又其時王室浸衰自是永為例矣

綱

己巳三年命虢公伐太原之戎

紀

時荒服

見上

不至

命虢公帥六師以伐太原

今山西太原府

之戎至兪泉

地名在太

原獲馬千匹

綱 甲戌八年楚子熊渠鬻熊之孫熊繹成王時封於楚蠻姓畢氏居丹陽熊渠其

五世孫也。辛音米。丹陽故城在湖廣荊州府歸州。伐庸今湖廣縣西有上庸城。揚

粵皆江上楚蠻之地。至于鄂今武昌府。

屬王哀公

綱 壬午十有六年王崩年六十歲。子胡踐位。**綱** 殺齊侯哀公

不辰紀侯謂哀公於立其弟是為王暴虐詩人作

刺

厲王名胡夷王之子在位五年。一年諡法殺戮無辜曰厲。

綱 癸未周厲王元年楚子自去其僭號畏厲王伐去其所僭王號

綱 癸巳十有一年淮夷入寇命虢仲帥師征之

綱 辛丑十有九年齊公子山哀公同母少弟弑其君胡公而

自立是為獻公**綱** 齊侯徙治臨菑今山東青州府臨淄縣

綱 王子三十年以榮夷公為卿士**紀** 王好利近去聲榮

良夫諫用榮夷公

夷公大夫芮瑞良夫諫曰榮公好專利而不知大難

夫利百物之所生也天地之所載也而或專之其害

多矣夫王人者將導利而布之上神下人者也使神

人百物無不得其極也中猶日怵惕懼怨之來也今獨

專利其可乎匹夫專利猶謂之盜王而行之其歸鮮

上聲矣榮公若用周必敗王不聽卒以榮公為卿士諸

侯不享

綱乙卯三十有三年使人監平謗殺言者綱厲王虐

國人謗王名邵公名康公之後穆公虎也告曰民不堪命矣王

怒得衛巫衛國之巫使監謗者監察也以巫有神以告則

殺之國人莫敢言道路以目以目相王喜告召公曰

吾能弭止也謗矣召公曰是障防也之也防防民之口

甚於防川會水勢橫壅而潰傷人必多民亦如

之是故為治也川者決之使導通也為民者宣放也之使言

夫民慮之於心而宣之於口成而行之當成其美而

綱監易知錄 卷之三 周厲王 十一

伯公諫弭謗

胡可壅也若壅其口其與民之能幾何言敗亡王即至王弗聽於是國人莫敢出言

綱丙辰三十有四年名公作詩大雅民諷王**綱**凡伯

作詩大雅板切責僚友因以諷王

綱丁巳三十有五年王暴虐滋甚芮伯作詩大雅桑

刺之**綱**國人作詩大雅蕩刺王

綱已未三十有七年國人叛王出居彘平陽府霍州

太子靖匿于召公家**紀**王心戾例虐萬民弗忍乃相

與叛襲王掩其不備曰襲王出奔於彘太子靖匿于召公之

王出居彘

家國人乃圍之召公曰昔吾驟諫王王不從以及此

難去聲

也今殺王太子

使國人殺太子

王其以我為讎而慙

有

怒乎

歸報也慙怨也以我為怨怒王之不聽諫而歸報之

夫事君

謂事者險危諸侯

召公存孤也

而不慙怨而不怒

危難之中不敢慙怒

況事王乎乃以其子

代王太子太子竟得脫

共和

綱庚申三十有八年春王在彘召公周公行政號共

和**紀**召公周公

周公之後

二相以太子靖幼相與和協共

理國事號曰共和

綱癸酉五十有一年王死于彘周公召公奉太子靖

卽位

仁山金氏曰厲王好利用榮夷公又以監謗而殺言者雖芮良夫召穆公交有陳諫又皆有大雅之刺而皆不聽卒以流亡身死於旄噍好用舍之閒可不謹諸賴諸人臣彌縫其閒王室不墜卒立宣王相之祭然復興蓋其時周室尚可振也至幽王再禍而宗周爲墟訖不復振悲夫

宣王

名靖厲王之子在位四十六年諡法聖善周間曰宣

綱甲戌周宣王元年周公召公輔政紀周公召公輔

王脩政法文武成康之遺風任申伯仲山甫張仲諸

侯復去聲宗周綱命秦仲爲大夫討西戎綱命尹吉甫

帥師北伐儼狁見上卷十六詩以美王六月小雅篇名

宣王側身
脩行

綱乙亥二年旱。綱命方叔將兵南征荆蠻。見上卷十

賦采芑以美王。采芑小雅篇名。綱遣名穆公虎帥師伐淮南之夷。

詩人作江漢以美王。江漢大雅篇名。綱王自將親征淮北徐夷。詩人作常

武以美王。常武大雅篇名。

綱己卯六年大旱。王側身脩行。紀宣王承厲王之烈。

丙有撥亂之志。遇災而懼。側身脩行。去聲。欲消去聲。之

天下喜於王化。復行百姓見憂。故仍叔作詩。大雅雲漢篇。

以美之。

綱乙酉十有二年魯侯武來朝以其二子括長子戲少子

不藉千畝

號公諫不藉千畝

見王。王命戲爲魯世子。**綱**王不藉籍千畝。**紀**王不藉

千畝。

天子藉田千畝。詳十一卷二十三。

號文公諫曰。夫民之大事在

農。

總一

上帝之粢盛。

平聲

於是乎出民之蕃庶。於是乎

生事之共。

供

給於是乎在和協輯。

集

和也。

亦

睦於是乎

興財用蕃殖於是乎始。敦龐

茫

厚也。

純固於是乎成。是

故稷爲大官。

農爲大事。故后稷爲大官。

惟農是務。無有求利於其

官。以于

犯

農功三時。

春夏秋。

務農而一時

冬

講武。故征

則有威。守則有財。

又說出寓兵於農之意。益見民之大事在農矣。

若是則能

媚於神。而和於民。享祀時至。而布施優裕也。

藉田之禮不可

姜后脫簪
珥諫王

廢如
此。今天子欲脩先王之緒而棄其大功。置神乏祀。

而困民之財。將何以求福用民。王弗聽。

綱乙未二十有二年。王后姜氏脫簪珥。二諫王。王勤。

政中興。紀王嘗晏起。姜后脫簪珥。也。充耳之珠。待罪。

於求巷。常中。使其傳母也。女師。通言於王曰。妾不才。至。

使君王樂色而忘德。失禮而晏朝。夫苟樂色。必好奢。

好奢必窮。樂窮樂者亂之所興也。原亂之興。自婢子。

始。敢請罪。王曰。寡人不德。實自生過。非夫人之罪也。

自是勤於政事。早朝晏罷。卒成中興之名。

馬化人

免舞鎬京

綱鑑易知錄

卷之三

綱癸卯三十年有馬化為人。紀時有馬化為人。有免。

舞於鎬京。

綱王子三十有九年伐姜戎。西夷別種。四岳之後。戰于千畝。地名。

王師敗績。大崩曰敗績。

綱癸丑四十年料民于太原。紀王既喪。去聲。南國之師。

仲山甫諫料民

乃料民。清理民數多少。于太原。今山西太原府陽曲縣。仲山甫諫曰民。

不可料也。夫古者不料民而知其多少。司民。掌登萬民之數。

協合也。孤幼終死也。司商。掌賜族授姓之官。協民姓。司徒協旅。

協民衆也。司寇協姦。協姦民以知死刑之數。牧協職。司牧知物色之數。工。

協莖司工知牛馬場協入司場知穀廩協出司廩知

數是則少多死生出入往來者皆可知也於是又審

之以事事見下文王治農於藉藉田蒐獵曰蒐於農隙

既耕耨穫亦於藉獮先上聲獮獵曰獮於既烝烝升也孟秋

狩冬獵於畢時農時畢也是皆習民數者也又何料焉且

無故而料民天所惡也害於政而妨於後嗣王弗聽

綱丙辰四十有三年殺大夫杜伯左儒爭謂死之**紀**

左儒諫殺杜伯

王將殺杜伯而非其罪伯之友左儒爭之於王允復

福之而王不許主曰汝別君而異友也儒曰君道友

逆則順君以誅友友道君逆則順友以違君王怒曰
易而也言則生不易則死儒曰上不枉義以從死不
易言以求生臣能明君之過以正杜伯之無罪王殺
杜伯左儒死之

綱已未四十有六年王崩太子涅孽立

仁山金氏曰周自厲王亂政日久紀綱板蕩宣
王初年有志撥亂董生謂其周道粲然復興然
考之諸書似不克終者如廢魯嫡不藉干畝喪
師南國料民太原殺杜伯而非其罪大略可是
其後幽王繼之不踰十年而君弑國亡卒以東
遷夫撥亂世反之正非百倍其功不足以興廢
補弊況宣王末政止於如此哉傳謂
夷厲宣幽而貪天禍不為無謂矣

幽王名涅宣王之子在位十一年為犬戎所弑諡法動靜亂常曰幽

綱庚申周幽王元年

綱壬戌三年王嬖寵褒保平氏**紀**初褒姒姓國今陝西西安府褒

城人有罪請入女子於王以贖罪是為褒姒幽王三

年之後宮見而愛之生子伯服史記昔自夏后氏之衰也有二神龍止於

夏帝庭而言曰余褒之二君夏帝十殺之與去之與止之莫吉卜請其燎而藏之乃吉於是布幣而策告之龍亡而燎在憤而藏之夏亡傳此器殷殷亡又傳此器周比三代莫敢發之至厲王之末發而觀之燎流於庭不可除厲王使婦人裸而譟之燎化為五龍以入王後宮後宮之童妾既亂而遭之既笄而孕無夫而生子懼而棄之宣王之時童女謠曰壓弧箕服實亡周國於是宣王聞之有夫婦賣是器者宣王使

川竭山崩

伯陽父論
周亡

執而戮之。逃於道而見嚮者。後宮童妾所棄妖子。出於路者。聞其夜啼哀而收之。夫婦遂亡。奔於褒褒人。有罪。請入童妾所棄女子者。於王以贖罪。棄女子出於褒。是為褒姒。當幽王三年。王之後宮見而愛之。生子伯註音。釐音時。亂音視。筭音雞。壓音掩。弧音胡。其音年十五而笄。壓山桑可為弓幹。弧木弓也。筭簪也。女子也。其草名似荻而細。可結為服。以盛箭。**綱**西周三川皆震。涇京渭洛竭。岐山崩。**紀**西周西都也。今陝涇水。西西安府。

出陝西平涼府涇州至渭渭水。源出陝西臨洺府渭源縣鳥鼠山至西安府同西安府高陵縣入渭。州入洛洛水。源出西安府洛南縣家嶺黃河洛山至河南河南府鞏縣入河二川皆震。伯

陽父甫。柱下。曰。周將亡矣。夫天地之氣。不失其序。

若過其序。民亂之也。言民不敢陽伏而不能出。陰迫

而不能丞丞升也陽氣在下陰氣迫之使不能升於是有地震今三川

實震地震故三川亦震是陽失其所而鎮陰也為陰所鎮陽失而

在陰在陰下川源必塞源塞國必亡夫水土演衍水土氣流

通為演演猶潤也而民用足也土無所演民乏財用不亡何

待昔伊洛竭而夏亡河竭而商亡今周德若二代之

季矣其川源又塞塞必竭夫國必依山川山崩川竭

亡之徵也川竭山必崩若國亡不過十年數之紀也

夫天之所棄不過其紀是歲也三川皆竭岐山在岐山縣

見上卷崩十一年幽王乃滅周乃東遷

綱 癸亥四年衛侯和武公作詩小雅賓之悔過因以諷

王綱 羣臣作詩小雅何人斯巧刺讒因以諷王綱詩

人傷時之亂征役不息作詩小雅不黃篇以刺時

政

綱 乙丑六年冬十月朔日有食之語詳詩小雅

綱 丙寅七年用尹氏家父甫作詩小雅節南山篇刺之

綱 丁卯八年以鄭伯友桓公厲王少為司徒

綱 戊辰九年夏六月隕霜語詳詩小王廢申后及

太子宜曰以褒姒為后其子伯服為太子宜曰奔申

宜曰奔申

六月隕霜

紀王廢申后及太子宜曰宜曰奔申

申姜姓國今河南南陽府鄧州

太史伯陽曰禍成矣無可奈何褒姒不好笑王欲其

笑萬方故不笑王與諸侯約有寇至舉烽火為信

日烽有急則於高處舉之以為號則舉兵來援救王欲褒姒笑乃無

故舉火諸侯至而無寇褒姒大笑褒姒好聞裂繒

帛也聲王發繒裂之以適其意號石父南為人佞善諛

好利王以為卿用事國人皆怨

綱庚午十有一年伐申申侯與犬戎入寇戎弑王于

驪山下鄭伯友死之晉衛秦以兵來援平戎與鄭世

無故舉火

裂繒

人戎弑幽王

諸侯立宜

紀

卷之三

子掘突不立故太子宜曰紀王欲殺故太子宜曰

求之於申由侯弗予王伐之申侯與鄆國名禹人名

西夷犬戎伐王王舉烽火徵兵兵莫至犬戎遂殺王

於驪山在陝四西安府臨潼縣下虜魯褒姒并殺鄭桓公盡取

周寶賂而去晉文侯衛武公秦襄公將兵救周平戎

與鄭世子掘突是為武公即申國共立故太子宜曰是為

平王而西周遂亡

雙湖胡氏曰幽王以妾為妻以孽代宗父子夫婦之間綱常滅矣欲不亡得乎當是時鄭併及死於戰秦襄公師師救周力戰破戎衛侯和從晉侯仇合諸侯師擊戎逐之黜伯服鄭世子掘

平王東遷

平王

突收父散兵從諸侯東遷太子是為平王
而周之輟遂東政教號令不行於天下矣
名宜曰幽王之子東遷洛邑在位
五十一年論法執事有制曰平

綱辛未周平王元年遷都于東都洛邑紀平王立東

遷于洛邑

見上第四避戎寇也是時周室衰微諸侯強并

弱齊楚秦晉始太政由方伯

東坡蘇氏亡周自平王至於亡非有大無道者
然終以不振則東遷之過也武王始營洛邑以
居九鼎成王周公成之而周實都鄆鎬今平王
舉其故都而大棄之營之富室之子孫一敗而
鬻田宅又豈能自立哉凡避寇而遷未有不亡
雖不即亡未有能復振者使平王收豐鎬之遺
民而脩文武成康之政以形勢臨東諸侯齊晉
雖強未敢貳也秦何自霸哉周之失計未有如

東坡蘇氏

東遷之謬者也。

綱命秦襄為諸侯賜以岐豐之地**紀**王東徙洛邑秦

襄公以兵送王王封襄公為諸侯賜之岐見上卷豐

見上卷二十二之地襄公於是始國而與東諸侯通使聘享

之禮**綱**命衛侯和武為公錫晉侯仇求命周書有文侯之

命篇

消長升降之會

東萊呂氏曰文侯篇作於東遷之初由此而上則為成康為文武由此而下則為春秋為戰國乃消長升降之交會也夫平王東遷之初大雉未張王略未復正君臣臥薪嘗膽之時奔亡之餘僅得苟安乃君臣釋然自以為足嗚呼周其終於東乎

秦作西時

綱秦祀上帝于西時止雉二音。時封土積高之。

太史公曰余讀史不犬戎敗幽王周東徙洛邑秦襄始封為諸侯作西時用事上帝僭端見矣禮天子祭天地諸侯祭其域內名山大角今秦雜戎狄之俗先暴戾後仁義位在藩臣而瞞于

郊祀君子懼焉

綱癸酉三年以鄭掘突武為司徒

綱己卯九年秦東徙汧渭之會見上十三

綱癸未十有三年衛武公薨子揚嗣是為莊公綱初武公

衛武公儆傲於國

年九十有五猶箴儆傲於國曰自卿以下至於師長

士苟在朝者無謂我老耄帽而舍我必交戒訓導我

在輿有旅費

奔。享執戈盾。夾君車而趨。

之規位宁

主。宁門屏之閒人君視

朝所宁立處。

有官師

也。小師也。

之典倚几有誦訓之諫居寢有

瞽

肩御近侍也。

之箴臨事有瞽史

樂師

之道宴居有師工

樂之誦史不失書

有眸子而無見曰矇。

不失誦以訓御之於

是乎作懿戒

讀抑即大雅抑之篇。

以自警及其沒也謂之獻

同睿

音聖戎公

作鄜時

綱乙酉十有五年秦作鄜手時紀秦文公夢黃蛇自

天下屬

祝

地其口止於鄜

今陝西延州。山陵間。安府鄜州。為衍。

文公

問史敦敦曰此上帝之敦君其祠之於是作鄜時用

懿戒

三牲郊祭白帝焉

遣民戌申

綱已丑十有九年遣畿內之民戌

怨申戌屯兵以守也平王

懷申侯全已之功故為遣戌以防戎戍者怨思作揚之水。揚之水國風篇名

朱子曰申侯與犬戎攻宗周而弑幽王則申侯畜主法必誅不赦之賊平王與其臣庶不共戴天之讎也今平王知有母而不知有父知其立已為有德而不知弑父為可怨至使復讎討罪之師反為報施酬恩之舉則其忘親逆理而得罪於天已甚矣又況先王之制諸侯有故則方伯連帥以諸侯之師討之王室有故則方伯連帥以諸侯之師救之天子鄉遂之民供貢賦衛王室而已今平王不能行威令於天下無以保其母家乃勞天子之民遠為諸侯戍守故戍者以非其職而怨焉其得罪於民又可見矣嗚呼詩亡而後春秋作其以此夫

綱辛卯二十有一年。秦伯文公大敗戎師。收岐西之地。

自岐以東歸于王。

綱壬辰二十有二年。王室衰微。諸侯背叛。

綱甲午二十有四年。宗周西都宮室圯瘠也。詩人作黍

離王風黍離篇。秦初有三族之罪。

綱丙申二十有六年。晉侯昭侯封其叔父成師是為恒叔于

曲沃。今山西平陽府曲沃縣

綱戊午四十有八年。魯初請郊廟之禮。紀魯惠公使

宰讓請郊廟之禮於天子。王使史角往魯。公止雷之

三族之罪

魯之用郊
始此

其後在魯。於是有墨翟之學。墨子魯之用郊始於此

道源劉氏曰夫惠公之止之則是周不與之矣不與而魯用郊自周之也

綱魯惠公薨國人立其子息姑。是為隱公。左氏曰

室以聲子生隱公宋武公生仲子有文在其手曰為魯夫人故仲子歸于魯生桓公而惠公薨是以隱公

立而奉之

仁山金氏曰惠公元妃孟子卒繼室以聲子生隱公則隱公固當立者然不敢自以為正攝位君國將以予桓菟裘之營未畢而卒遇弑為善羅禍此世道之大變也此春秋所為託始也

春秋託始
隱公

菟裘
註見下

春王正月

綱己未四十有九年

魯隱公元年

春王正月。經是時天子

孔子脩春秋以寓法

錫魯惠公仲子之盟

微弱諸侯放恣賞罰不行故孔子因魯史脩春秋以

寓王法託始于此年首書春王正月

見十三卷第七綱秋七

月王使宰咺

誼上聲

錫魯惠公仲子之

贈諷贈贈死之物

文定胡氏曰以大王之尊下贈諸侯之妾於是三綱倫九法數人望絕矣夫婦人倫之本朝廷風化之原平王子母親遭褒氏之難廢黜播遷而宗國顛覆亦可省矣又不自懲而贈人寵妾是拔本塞源自滅之也春秋之託始於隱公不亦深切著明也哉

日有食之
綱辛酉五十有一年春二月己巳日有食之

文定胡氏曰經書日食三十六去之十有餘歲而精曆算者所能考也其行有常度矣然每食必書示後世治曆明時之法也有常度則災非異矣然每食必書示後世遇災而懼之意

武氏求賻

綱

三月

王崩

孫林踐位

綱

秋

武氏

大夫

如魯

求賻

附

賻以貨財助喪事也

日者衆陽之宗人君之表而有食之災咎象也
克謹天戒則雖有其象而無其應弗克畏天災
咎之來必矣凡經所書者或妾婦乘其夫或臣
子背君父或政權在臣下或夷狄侵中國皆陽
微陰盛之證也是故十月之交詩人以刺日
有食之春秋必書以戒人君不可忽天象也

仁山金氏曰平王於魯猶歸仲子之賻隱公於
周不賻天王之喪於報施之禮且猶不可沈君
臣之際乎武氏子之求在
周爲辱然魯之不臣甚矣

綱

鄭

祭

債

足

帥

師

入寇

紀

鄭

武

公

莊

公

爲

平

王

卿

士

秉周政

王貳于

號

欲分政

於號公

鄭

伯

公

怨王

王曰

無之故

周鄭交質

周鄭交質。至王子狐為質於鄭。鄭公子忽為質於周。

王崩。周人將弔。與也。虢公政夏四月。鄭祭足帥師取

溫。今河南懷慶府溫縣。之麥。秋又取成周。東都也。之禾。

桓王。名林。平王之孫。在位二十三年。諡法克敬勤民曰桓。

壬戌。周桓王元年春二月。衛州吁。庶弟。弑其君桓

公而自立。衛人殺州吁。立宣公桓。

丙寅五年春三月。鄭伯莊公使宛歸昉昉田于魯。鄭

祀泰山之邑。鄭人請釋泰山之祀。而祀周公以泰山

之昉。易魯許田。許周公湯沐之邑。昉近於魯。許鄭於

近者相易。

魯桓公
隱公

己巳八年冬十一月魯公子軌弑其君隱公而自

立是為桓公

紀羽父

甫

請殺桓公將以求太宰隱公曰為

其少故也吾將授之矣使營菟

徒

裘

魯邑在山東濟南府泰安州

吾將老焉羽父懼反譖公于桓公而請弑之王辰羽

父使賊弑公于寯

委氏

魯大夫

立桓公

綱庚午九年

魯桓公元年

春三月鄭伯以璧假魯許田

紀

桓公即位脩好

去聲

于鄭鄭人請復

去聲

祀周公卒易祊

田魯雖已入祊田而猶未肯易許田故鄭人復請祀周公以卒成易許田之約

公許之鄭

伯以璧假許田為

去聲

周公祊故也

許為周公湯沐之邑祊為鄭人從祀

泰山之邑皆有闕王制不宣私易故託辭璧假以文其非禮為周公許田鄭祊田故也

綱甲戌十有三年秋蔡人衛人陳人從王伐鄭紀初

王奪鄭伯政鄭伯不朝王以諸侯伐鄭鄭伯禦之戰

于繻須葛鄭地在河南蔡衛陳皆奔王卒大敗祝耶

鄭王止肩

射石王中去聲肩王亦能軍祝聘請從之請追鄭伯

曰君子不欲多上人況敢陵天子乎苟自救也社稷

無隕多矣鄭伯使祭足勞去聲王且問左右

家父求車

綱甲申二十有三年春二月王使家父甫如魯求車

公羊傳何以書議何議爾

王者無求求車非禮也綱三月王崩子佗踐位

莊王名佗桓王之子在位十五年諡法武而不遂曰莊

綱乙酉周莊王元年

綱丁亥三年春正月魯侯桓公會齊侯襄于灤洛魯侯

與夫人姜氏遂如齊夏四月齊侯殺魯桓公立其子

申繻誅姜氏如齊

同是為莊公紀魯侯將有行與姜氏如齊申繻須曰女有

家男有室無相瀆也謂之有禮易此必敗公會齊侯

于灤水名在山東濟南府歷城縣遂及文姜如齊齊侯通焉詩人所為

賦南山之詩鳥獸之行淫乎公謫之責文姜以告告齊

侯其妹者也夏享公齊侯享燕桓公使公子彭生乘去聲公與桓公公薨

于車。彭生拉公脅而殺之。拉音蠟折也。齊人立其子同。**綱**秋。周公黑

肩謀弑王。伏誅。王子克奔燕。**紀**周公黑肩欲弑莊王

而立王子克。桓王庶子莊王之弟。即子儀也。辛伯。周大夫。告王。遂與王

殺周公子克。奔燕。初。子儀有寵於桓王。王屬。祝也。

諸周公辛伯諫。諫周公。曰。並后。妾如后。匹嫡。庶如嫡。兩政。臣擅

命。耦國。都如國。亂之。木也。周公弗從。故及。及於難。

綱戊子。四年。魯莊公元年。夏。單伯。善卿。送王姬。王將嫁女於齊。

命魯為主。故單伯送王姬於魯。天子嫁女於諸侯。使同姓諸侯主之。不親昏尊卑不敵也。秋。魯築

王姬之館于外。以喪制未闕。恐齊侯當親迎。不忍便以禮接於廟。又不牧逆。王命故築舍。

辛伯諫諸子儀

恆星不見

星隕如雨

無知弑襄公

於外。胡氏曰有三年之喪。天子於義不當使之主。有不共戴天之讎。莊公於義不可為之主。築館於外。之為宜。不若辭而弗主之為正也。冬。王使榮叔周大夫如魯。錫桓公命。

桓公弑。君兄自立。不請命而王。王姬歸於齊。追錫命。故春秋於王不稱天。

綱甲午十年夏四月辛卯夜。恆星常見之星不見。現夜中。

星隕如雨。義詳胡傳見十三卷三十五

綱乙未十有二年冬十一月齊無知弑其君諸兒。齊襄公

名紀。僖公襄公父父母弟曰夷仲年生公孫無知。有寵。

於僖公。襄公糾弑襄公。使連稱管至父甫戍。恕也葵。

丘。在山東青州府臨淄縣瓜時四熟而往。曰及瓜及明年瓜熟時而代。

暮戍請代弗許二人遂因無知以作亂弑襄公而立

無知初襄公立無常鮑叔牙曰君使民慢亂將作矣

小白奔莒

奉公子小白僖公庶子奔莒姜姓國今青州府莒州亂作管夷吾召

卻

忽奉公子糾九。小白庶兄奔魯

綱丙申十有二年春齊人殺無知魯侯莊公及齊大夫

盟明

于莒

忌。蓋欲迎子糾也莒魯地今山東兗州府嶧縣有莒亭

綱夏魯侯伐

小白人齊

齊納糾二公子各有黨故雖盟而

迎子糾當須伐乃得人

齊小白入于齊小白

乾時之戰

自莒先人

綱

秋八月魯及齊師戰于乾于時魯師敗

績乾時齊地時水名旱則竭涸故曰乾時在青州府臨淄縣小白既定而魯莊公猶不退師歷時而戰

戰遂大敗胡傳曰內不言敗此其綱九月齊公子小

言敗者何為與雖戰雖敗亦榮也鮑叔帥師言於魯曰

白立齊人取子糾于魯殺之紀鮑叔帥師言於魯曰

子糾親也請君討之不忍自殺管名讎也請受而甘

齊相以管仲為相

心焉甘心言欲快意戮之鮑叔欲殺子糾于生竇

地召忽死之管仲請囚仲有相桓之志綱齊侯以管

夷吾為相紀初桓公自莒反於齊使鮑叔為宰太辭

鮑叔薦管仲

曰君加惠於臣使不凍餒則君之賜也若必治平聲國

家則非臣之所能也其管夷吾管仲字乎臣所不若夷

吾者五寬惠柔民弗若也治國家不失其柄弗若也

忠信可結於百姓弗若也。制禮義可法於四方弗若

也。執枹

浮。擊鼓槌也。

鼓立於軍門。使百姓加勇焉弗若也。

桓公曰。夫管夷吾射

石

寡人中

去聲

鉤

乾時之戰管仲

射中桓公帶鉤

是以濱

近也

於死。鮑叔曰。夫

扶。

管仲

為

去聲

其君

指子

動

也。君若宥而反之。

使之歸齊

夫猶是也。桓公於是請諸魯。

莊公以問施伯。對曰。此非欲戮之也。欲用其政也。夫

管子。天下之才也。所在之國則必得志於天下。令彼

在齊則必長為魯憂矣。請殺而以其屍授之。莊公弗

聽。使束縛以予齊使。比至。桓公親逆。

迎也

於郊解其縛。

施伯請殺管仲

四戈知何
雜

制國二十
一鄉

唯官山海
為可

而與之坐問焉公曰成民之事若何對曰四民者勿

使雜處雜處則其言雜也語其易變易昔聖王

之處士也使就閒閒燕清靜之所處工就官府造作之所處商

就市井列廛之所處農就田野稼穡之所少而習焉其心安焉

不見異物而遷焉是故其父兄之教不肅而成其子

弟之學不勞而能公曰定民之居若何對曰制國以

為二十一鄉工商之鄉六士農之鄉十五公師上聲十

一鄉焉是為中軍國子師五鄉焉高子師五鄉焉國子高子皆齊

上卿各帥五鄉為左右軍公曰吾何以富國對曰唯官山海為可

耳卽山鑄錢謹鹽筴同策與鐵官之數其餘輕重準此

而行然則舉臂勝升事無不服籍者公曰吾欲從事

作內政而寄軍令

於諸侯爲之奈何對曰作內政內教也而寄寓軍令於

是制國五家爲軌矣軌爲之長十軌爲里里置有司

四里爲連連爲之長十連爲鄉鄉有良人焉此言以內政

爲軍令五家爲軌故五人爲伍軌長帥率之十軌爲

里故五十人爲小戎里有司帥之四里爲連故二百

人爲卒連長帥之十連爲鄉故二千人爲旅鄉良人

帥之五鄉一帥去聲故萬人爲一軍五鄉之帥帥之春

以狻

搜

振旅秋以獮

先上聲

治兵

春獵曰狻秋獵曰獮人曰振旅出曰治兵

此言

是故卒伍整於里

內政軍旅整於郊

內教既

成令

平聲

勿遷徙

更改也

伍之人祭祀同福死喪同恤禍

災共之人與人相疇也家與家相疇世同居少同游

故夜戰聲相聞可以不乖晝戰日相視可以相識其

歡欣足以相死而寄軍令也居同樂行同和死同哀

是故守則同固戰則同彊複說一遍君有此士也三萬人

以方橫也行天下以誅無道以屏周室天下大國之君

莫之能禦也桓公悅於是任管仲為相號曰仲父

仲父

長勺之戰

綱丁酉十有三年春正月魯侯公莊公敗齊師于長勺

入丈

聲

紀齊師伐魯戰于長勺

魯莊公

將鼓之以進兵

欲鳴鼓曹

劇貴

曰未可齊人三鼓劇曰可矣齊師敗績公將馳

逐之劇曰未可下視其轍登軾而望之

轍車跡軾車前橫大

曹子論戰

曰可矣遂逐齊師既克公問其故對曰夫戰勇氣也

一鼓作氣再而衰三而竭彼竭我盈故克之夫大國

難測也懼有伏焉吾視其轍亂望其旗靡米故逐之

綱已亥十有五年冬十月王崩子胡齊踐位

